

CLEMENS BAKIEWICZ

ARCHIDIACONUS CATHEDRALIS, SEDE VACANTE EPISCOPATUS

AC DIOECESIS SANDOMIRIENSIS

ADMINISTRATOR GENERALIS.

*Venerando Josepho Jakubowski Ecclesia
parochialis in Wola Vicario*

Venerandum sed grave Officium Judicis, quo potestate solvendi et ligandi nobis tradita fungimur; haud aliquis recte et secure gerere valet, nisi necessariis qualitatibus praeditum se sentiat utpote: scientia, potestate bonitate et prudentia. Cum igitur his sufficienter in examine instructus adinventus fuisti ut in plenitudine potestatis Sanctum Paenitentiae Sacramentum administrare quae Jurisdictionem impertimur. Liceat ergo ipsi utriusque Sexus Christi Fidelium (non tamen Monialium) quovis Anni tempore in supra scripta Ecclesia, vel etiam in alia Dioecesis Sandomiriensis tantum, de licentia tamen proprii illius Rectoris, ac citra praejudicium alterius Parochiae Confessiones audire, eosque a peccatis et delictis eorum, qui corde contriti et ore confessi fuerint, etiam in casibus: Sedi Nostrae Ordinariae tam de jure communi, quam consuetudine reservatis; quorum specialis descriptio in Constitutionibus Provincialibus Lib. 4 Titt. de Poenitentia et Remissione continetur (omnibus tamen delictis Summo Pontifici Sanctaeque Sedi Apostolicae uti 1mo Simoniacis, 2do illis qui suos complices in quolibet contra sextum Decalogi Praeceptum peccato, extra periculum mortis absolvere ausi fuerint, ac aliis quibusvis casibus Papalibus quomodolibet reservatis, nec non. 3tio Percussoribus etiam leviter Clericorum, tum 4to Homicidio voluntario, etiam 5to suppressione prolis circa vel post partum ac si causa evitandae infamiae perpetrata, 6to Procuratore abortus etiam non secuto effectu, 7mo Crimine incendiariorum malitiosorum, et 8vo commiscentibus carnaliter Judaeis maribus vel Faeminis Sedi Nostrae Ordinariae specialiter reservatis duntaxat exceptis) in forma Ecclesiae consueta absolvere, absolutionisque beneficium in foro conscientiae injuncta illis pro modo culpa Paenitentia salutaris bene visa impendere. Autoritate Nostra Ordinaria facultatem damus et concedimus. Praesentibus Litteris Nostris hinc ad decursum. *Unus Annus* tantum valiturus. Ut autem Officium hoc Sacerdotale quod coeteris quibusvis muniis, tam quo ad populi Christiani utilitatem, quam quo ad formidandae Sacerdotum obligationis gravitatem, longe praestat, debito cum fructu animarum ac cum plena conscientiae *Opinio* securitate administrare valeat praemonendum duximus verbis Apostoli I ad Timoth. c. 4 v. 12, 14 et 16 *Exemplum est fidelium in Verbo, in conversatione, in charitate, in fide, in Castitate. Noli negligere gratiam quae data est tibi, cum impositione manuum Presbyteri — attende tibi et doctrinae, hoc enim faciens et te ipsum salvum facies, et eos qui te audiunt* — Et cum Confessarius necesse est, ut perfectus sit homo Dei, ad omne opus bonum instructus, ad docendum, corripiendum et erudiendum in justitia. Haec omnia ex Divinis Scripturis, Apostolicis Constitutionibus, Decretis Synodalibus, ac universa Theologia diligenter acquirat et a Datore omnium Bonorum Spiritum Sapientiae (quia juxta Sap. I v. 4 *in malevolam Animam non introibit Sapientia*) enixe expostules. Sicque procedendo, et in exequendo, vero tam honorifico Ministerio, etiam Praescripta Ritualium, tum SS. Canonum, quo ad externa, in retenta tonsura, ac pro qualitate status vel religiositatis vestitu talari convenienti superpeliceo indut et stola superposita, in Confessionali crate interposita (nisi necessitas aliter postulaverit) ac tempore convenienti exacte observando, ut tanti Sacramenti dignum Ministrum, exhibeat et solitudini Nostrae non exiguum levamen afferat Super quibus omnibus et singulis Conscientiam Ipsius oneramus, In quorum fidem etc.

Datum Sandomiriae die *20* Mensis *Augusti* 183*6*.

*Impetranti datur quoque facultas penitentibus suis quo ad
casus Sedi Ordinariae reservatos absolvendis, debitum conjugale
omnium restituendi, atque apparatusu caritative
in quibus si Uctio non interuenit, benedicendi,
C. Bakiewicz Admin. G.*

[Faint, illegible text]

[Faint, illegible text, possibly bleed-through from the reverse side of the page]

